

UNIVERZITET U SARAJEVU, Obala Kulina bana 7/II, Sarajevo, kojeg zastupa rektor prof. dr. Rifat Škrijelj (dalje u tekstu: Naručilac), ID broj: 4200494560007, s jedne strane

i
O.D. Media Monitoring, PressClipping Office Sarajevo, Sarajevo, ul. Džemala Bijedića 94/V, kojeg zastupa direktor Haris Zeljković (u daljnjem tekstu: Izvršilac), ID: 4302316190007, s druge strane

zaključili su

U G O V O R O N A B A V C I : **Pružanje aplikacijskih usluga broj: 0101-4117-4/17**

I - PREDMET I TRAJANJE UGOVORA

Član 1.

Predmet ovog Ugovora je pružanje aplikacijskih usluga, odnosno usluge pressclippinga, što podrazumijeva usluge praćenja štampanih i elektronskih medija sa područja Bosne i Hercegovine: praćenje medijskih objava, štampanih i elektronskih (RTV) sa područja Federacije Bosne i Hercegovine i Republike Srpske, a u skladu sa Ponudom Izvršioaca od 29. 06. 2017. godine (u daljnjem tekstu: Ponuda) Univerziteta u Sarajevu, koja je po tom osnovu sastavni dio ovog Ugovora.

Član 2.

Ovaj Ugovor se zaključuje za period u trajanju od 1 (jedne) godine, sa početkom primjene od 01. 07. 2017. godine.

II – OBAVEZE NARUČIOCA

Član 3.

Naručilac se obavezuje da će nakon potpisivanja ovog Ugovora dostaviti u pismenoj formi narudžbu za pružanje usluga koje su predmet Ugovora, koji će uključivati i rok za dostavu usluga iz člana 1. ovog Ugovora, spisak svih mail adresa na koje će se dostavljati clipping, kao i spisak tema i ključnih riječi.

III – OBAVEZE IZVRŠIOCA

Član 4.

Izvršilac se obavezuje izvršiti svu potrebnu pripremu za pružanje usluga odmah po potpisivanju ovog Ugovora, izvršavati sve usluge utvrđene ovim Ugovorom, te redovno izvještavati Naručioca o toku pripreme, dinamici i finalnom dijelu pružanja ugovorenih usluga.

IV – ROK DOSTAVE USLUGE

Član 5.

Ugovorne strane su saglasne da je rok za dostavu usluge clippinga na dnevnoj bazi najkasnije do 10:00 sati ujutro.

Član 6.

- (1) U slučaju više sile, smrtnog slučaja, kvarova tehničke prirode kod jedne od ugovornih strana, rok iz člana 4. Ugovora se može produžiti, kao i na zahtjev Naručioca.
- (2) Svako pomjeranje utvrđenog roka od strane ugovornih strana izvršit će se u pisanoj formi, što uključuje i elektronsku poštu.

V – VRIJEDNOST USLUGE

Član 7.

- (1) Vrijednost ugovorene usluge za ugovoreni period iznosi: 2.400,00 KM (dvijehiljadečetiristotineKM i 00/100) bez PDV-a.
- (2) PDV se neće obračunavati jer Izvršilac nije PDV obveznik.
- (3) Vrijednost ugovorene usluge je fiksna i ne može se mijenjati za vrijeme trajanja ovog Ugovora.

VI – NAČIN I ROK PLAĆANJA

Član 8.

Izvršilac se obavezuje na kraju svakog mjeseca ispostaviti račun za izvršene usluge u iznosu od 200,00 KM na adresu Naručioca za izvršene usluge, a Naručilac se obavezuje isti platiti u roku od 20 (dvadeset) dana od dana dostave, na transakcijski račun Izvršioca broj: 3060002719348798 koji se vodi kod Addiko bank dd Sarajevo.

VII – RASKID UGOVORA

Član 9.

U slučaju neizvršavanja obaveza od strane Izvršioca ili Naručioca, ugovorne strane su saglasne da se Ugovor može raskinuti pismenim putem, uz otkazni rok koji ne može trajati duže od 15 dana od dana prijema pismenog zahtjeva za raskid.

VIII – ZAVRŠNE ODREDBE

Član 10.

- (1) Naručilac i Izvršilac sporazumni su da se eventualni sporovi koji proisteknu iz ovog Ugovora prvenstveno rješavaju međusobnim dogovorom.
- (2) Ukoliko se spor ne riješi dogovorom, obje ugovorne strane sporazumno prihvataju odluke nadležnog suda u Sarajevu.

Član 11.

- (1) Ovaj Ugovor stupa na snagu danom potpisivanja ugovornih strana.
- (2) Ovaj Ugovor sastavljen je u 4 (četiri) jednaka primjerka, od kojih svaki ima dokaznu snagu originala. Svaka ugovorna strana zadržava po 2 (dva) primjerka.

IZVRŠILAC:

OD
"MEDIA
MONITORING"
SARAJEVO
Sarajevo, 30. 06. 2017. g.

NARUČILAC:

UNIVERZITET
SARAJEVO
Sarajevo, 30. 06. 2017. g.

Rektor Univerziteta u Sarajevu
Prof. dr. Rifat Škrijelj